

. bšumaihun d hiia rbia asuta uzakuta ušabiq haTaiia nihiulia Idilia

. ulab

. u`l`m . u`l`m hurintia

. u`l zauai

. u`l ahai

. u`l ahai hurinia

. u`l šitlai

. u`l abahatai

.

tum šabiq haTaiia nihualun lkulhun tarmidia umandaiia d bhalin sidria
mitaprišia . bšumaihun d hiia rbia nukraiia mn almia d nhura iatiria d `lauia
ukulhun `ubadia . hazin hu raza usidra d ziua d iaqid bgu pihta d abar bziuh d napšh
uasgia banhurh d mana qadmaia huabia uptabia udarbia haimanubh bmana
d huabia d hu haimanubh bziua unhura d huabia haimanbh bmana d huabia
d hu šarhab`iil šumia npaq ziua mn pihta ušra nhura lpihta unpaq minh uqra
lnapšia nibTa ziua unhura d mn napšia iaqid ziua uiaqid nhura ham tana pšar tana
d huabh kd iaqid `lauia tana hun mambugia hua laupa d litlh psaq u`tlip laupa lhiia
uškin hiia napšaihun uqaiim hiia napšaihun bgu mambugia d mia d minaihun dilun
`štpun mn butun bun lnapšaihun d hun bgauaihun urbabun bgauaihun u`tbaiarbun
u`tqaiambun u`tib bziuaihun šum šuta haita d `tlabašbia u`tqaiambia ušum
ziua unhura hiia qidbun nsib kšTa mn napšaihun ukušTa d hua mn laqadmia
u`tiqria mn qudam briša haimanubh hun hiia bmaSbutun d napšaihun haiman bkušTa
d napšaihun unsib mn `da d napšia unišqia l`dia d iaminia uamar hiia lnapšaihun
ana hu maSbana qadmaia d haimanubh bkušia umaSbuta haza kulman d nihiua minh
haimanubh bkušTa umaSbuta haza kulman d nitlip blaupa dilia ubškintai dilia
ništkin huat škinta huat d hiia d `lauia mia u`šata haita uamar ana hu hiia d mn
napšaihun hun mn ziuaihun bar minaihun unhuraihun usgia d `lauia ziuaihun
unhuraihun d napšaihun hašib hiia bnapših bkimSaiun d napšaiun uqaim hiia
bkisia lmiqria bra ušauia Sauta lnapšaihun hiia iadia d bra d mhašbia lmiqria
d hiia qrun simaka mn libaihun d napšaihun uqaiam dmutaiun uatbuia bškinta d hu
`tib lmitia lalma hurinia haizak qra bra ušauia Sauta lnapšaihun uaqmia biardna
d mia hiia d mn hiia hun kšTa `hablia umn ziua albišia umn nhuria kasia uautibia
minh bškinth lhil mn `šata haiata ubra d qra hašib lmiqria bnh lnapšia qra bnh
umn lbušia albišinun umn ksuiia kasia kasinun uautbinun liaminh ulsmalh
bškintia ukušTa `hablun ubnh d qra mhašbia lalma hurinia lmiqria uamria niqria
bnh lnapšaiun akuat d hazin bit hiia uqam qudam abuhun rama tiniana uamrilh
ahbalan d nizal niqria almia hurinia uninSablan niSubta akuat d hazin d bit
hiia uninSab niSubta unišabun unišauia almia akuat hazin d bnia šlama `tiqria
ukmaS abuhun `hablun mn kisia ubukra tiniana uahia iahbulh lhad mn bnh šlama
lahun qašiša minaihun umn dmutun d bnh šlama `tiqrun `hablh mia u`šata haita
uamarlh `zil qria almia hakuata bnh šlama d hzit bit hiia hiia bnapšaihun
mhašbin ulmanda d hiia haza amarlh d hu mitiqria iuzaTaq manda d hiia amrilh
ahuilh lkamSa dmuth d `qara d rmun balma d hšuka d hu `tit lSaiura lka uamarlun
manda d hiia ana qraitun uqaiimtun u`titna ana qdimnalh lalma hanath mn
qudam d nihun unihišbun l`lh lalma hanath `zdra zira uqribh bnh unitiqrun bnia
šurba rba d hiia uqdum u`šadar mn šurbatai dilh d hiia d `hablh qrun uzarzun
`lauaiun šarhiblh umsabrilh lalma hanath qrun qudamia qadmaia d niqrun qala
d hiia d šanai minh mn alma uninikrun napšaihun mn alma d hšuka uamam manda
d hiia `qum lka minh mn alma hanath u`lipinun laupa d hiia d tihuia škinta bit
hiia kd haza amar manda d hiia nišqia ukušTa `hablh uamarlh kšTa asiak Taba uasia

lmalala d malaltbh hinila 'aitia mn šurbata d kimSa latagzar balma d hšuka
d bšUTuata lanišTun hiia qiriua liuzaTaq manda d hiia d mn dmut `qara hua bkisia
 uqiriua lmanda d hiia biauar nimun unimar hiia bahar ušatila umasiq ldaura
 taqna halin pugdamia 'štaiia mn iuzaTaq manda d hiia uazil uqra alma lbnia
 šlama ukimSa d kmaS tiniana `hablh lhad mn bnia šlama unsab u'hablh lptahil
 brh uata ptahil urimia balma d hšuka uqra qrita ušarhib šurbata lbit hiia
d lašihia `lauaihun dilun `tiqria ziu hsir unuhur psiq d psaqinin lšurbata
 balma d hšuka umitpisqan uabatar d qiriia lptahil lalma hanath šauibia šurbata
 triS uqminun lmalakh d baita d nipilhunh ladam d pagria ulhaua zauh balma hanath
d hšuka ušauibh Turia uiamamia uSipar gadpa uhiua bala ununia biama upiria u`mbia
 u`lania d nikul unihdia hu uhaua zauh d kiriuta latihuilh mn hiuaniata upira
 u`mba u`lana nihualh ladam ulhaua zauh d nanihia lhahu špur pagria uabatar
d šauia ptahil lalma hanath uhazik binia ladam brh bdmuth umn dmuth d adam
 `tbiniat haua zauh d rmaba ptahil bdmu ruha mn ruha d napšia urmibh šibiahia
 'niš 'niš mn raza d napših ulamSia ptahil ušibiahia d minh laqamia ladam ulhaua
 zauh haizak kd azal ptahil luat abatur abuia nsab mana kasia d `hablia mn bit hiia
 uatia u`imiia badam ubhaua zauh pra uata 'utra mšarhibana d hiia šihlun 'lh
 ušqal ainh adam urma `lh hibil ziua u'tpat hiia šal uamrilh ptahil
 ušibiahia d minh h`iia adam uamarlun adam bruhSana d 'utria mšarhabana d ata `lh
 mn bit hiia uamar adam d mn hiia huit hiia hun adakas ana ziua d mn atra kasia ata
 npalbia uatian uatit alanpia šganda Taba lapqan ltam latra d minh `tit haizak
 `tgala hibil ziua lptahil kd 'štagašlh ruianh u'hambalian kulhun uamar
 ptahil `uai uai `bidata d anat 'štalaTt 'lauaian ušibqia lptahil lalma d qra uazil
 luat abatur argaz `lh ubsada autbh alma lkimSat almia haizak qam adam sgad
 ušaba lhak gabra d ptalh ainh uaqmia `l ligrh usaka adam hazilh lkul d hazilh hiziiia
 adam lhaua zauh arTil ubihtat napša minh uhazak `da hibil ziua uata `lh d adam
 ubhit mn haua zauh amar lbuša ladam ulhaua zauh qralun ukasun šiTuatun ušra
 Talia `l haua kd ptulh hu adam luata haua amra mna hua rabia Talia d bazira d gabra
 la`zdra ukarsa d atuat larba usabusta lahuatalh d šuta basim uqala taqun hibil
 br adam qarilh bra d adam mn haua hua hualh bra lhibil šumia šitil hualh bra
 lšitil šuma anuš haizak qam adam bhašabta d hašib lptahil abuia ubra ubma
d abatur abuia paqdua umindam d hibil šra b'uSraihun d adam uhaua zauh qam adam
 uhaua zauh ušihlh llbušia d hibil albišinun ladam ulhaua zauh d mn dmutaiun
d napšaiun damin akuat simat hiia uabatar d miTiuia iahria 'tša lhaua zahriria
d maudila miTiu amria almia hibil mna hua umna huala bra lhaua d mn ziria
d adam lahua hin`la tahmia mitiqria d asgia bkulhun almia nibTa hu d asgia btibil
 u`tiglia uata lalma d bnia anašia l'šauia Tabuta 'l nimusa d bnia anaša hidruia
 anašia ltam latra d minh 'tun hazak škib adam umaTia luata d haua zauh uqablat
 minh buTna tauma zikra unuqbata hua bkarsa iahria tša bma d ptahil hašib
 `lauaihun d abatur abuia paqdia iadlat haua tauma zikra unuqbata uhaizak amar
 adakas mana d mn atra kasia ata unpalbia badam uhaua zaua uaqmh ladam
 ulhaua zauh `l ligraihun uanhar ainaihun lmihiziia uligraihun lmasguiia upta
 pumaihun lmikil ušaliT 'dh d adam bhiuaniata upira u`mba u`lana uSipar gadpa
 ununia biama d ptahil abuia šauilh l'kilta d hašiblh ladam uamarlh hibil ladam qum
 sab aqamra d halin hiuaniata uahbilh lhaua zauak tišauilak lbuša lšpur pagrak
 dilak haua zauak d ptahil abuk šauilak uhaizak sab adam ugaz aqamra mn gambaiin
d hiuaniata u`habla lhaua zauh ušauialia lbuša mindam d hibil šra b'uSraihun d adam
 ubhaua zauh ušauiat lbuša l'qar pagraihun utraSlun lmiškab utraSlun
 patura lmikal `lh haizak hinun šuba šibiahia hadra uqaimia uraza urimza usina
 uqina uplugia mhašbin 'lh uraza šra b'uSar razaihun d napšaiun d hinun rmubia
 badam ubhaua zauh uamria d lanišmun šuta d gabra nukraia d asgia lka umn iulpanun
 lanilpun umn qbal d anin šauinh ladam niqum uništmunan uldilan ulptahil abuhun
 ušurbata d adam niqum unipilhunan ldilan ulptahil abuhun urhim gabra nukraia

d šuta nukraitā d mnakria minh mn alma ušra manda d hiia b`uSar liba badam ubadakas
mana d ata unpalbh uamarlun adkas mana ušibiahia ulalmia kulhun kd ana latiun
ularamiun badam uhaua zauh razaikun dilkun laqmuia ladam ulhaua zauh bruhh
d ptahil rmibh d abuia `hablh d abatur abuia paqdia ainh laptalh ulligrh laqam upumh
laptalh ula`štaia u`dh lašaliT b`bidata d ptahil abuia šauilh l`kilta uluat haua
zauh laškir ubnat anaša balma la`tiaiar alma ana adkas mana d mn atra kasia atit
uminai dilia `štarhib šurbata btibil huit d zira zara bmarba d `nšia umn zira Sar
`ula bkras `mh umn dilh Sar ainh umn ainh Sar muqra umn muqra aSr riša umn riša
Sar kursiat anh hua umn dilh hua puma umn puma hua lišana umn lišana hauin
`bria umn dilh hauin libia umn libh hauin pirSia ap blibia bun hauin Tabia ubun
hauin bišia ukulhun Silmia d hauin lianqa bkras `mh umn dilh umn raza d rmun
šibiahia umn ruha d rma ptahil uhauin lianqa bkras `mh ana huit riša lkulhun
razia anahuit bania biniana d pagria d bnat anašia ana huit mšarhib šurbata
d bnia anaša balma hazin hin ana lahuit brišaihun d razia uana bianqia lahuit
uianqa mn kras `mh lanpaq aminTul d lamiTit b`daihun d razia uruha `u lau ana
labaninh lianqa hauith uapiqh mn kras `mh haizak tna uškib adam luat haua
zauh uiadlat zikra unuqbata tlata karsauata d iadlat mn adam hun zikria tlata
unuqbata tlat d minaihun dilhun mitiatir alma hua ktib umapriš šumaihun baspar
sidria ha Iriš atit hun riša tum `tit ha šumaihun lbhiria zidqa uqaiumia
šibiahia dandumia d mdandimia tum raza kabšia lbr ziuia d asgia lka d ziuh lahua mn
haka ulahua nhurh mn alma hazin d hinun šibiahia ulšum dilia laqam `lh uazal
lhurina raza kabšia ušum dilia riša adkas mana kasia d mn atrh ata nibTa šuman
ualma nimusa qarilh nišimta qarilh mana mkanilia paria pariath qarilh nhura
qarilh nihmat hiia šumak utana šuman u`šata haita šuman uana šumai kasia d mn bit
hiia udkas ana ziuā d mn atra kasia ata uatiuia ahai `utria bnia nhura rahmia
Tabia d mn tam atar `štadar `lai uatiuia ubanpai qnaslh muta mn daura d pagria
d rbitbh albšun ziuā ukasiun nhura d mn tam `štadar `lai mn bit hiia ugadilh
qarnai brišai uzakuata lkadpai mahtilia udibrun uapqun lbit hiia haizak hua
laupa lruhia unišimata d bhiria zidqa d mn napšaiun praš uapriš d dairibh d alma
hazin d kulh zipa uhrara uamar adam d hibil alph uzarzih uTubh d bzarzta haza d hibil
ušitil uanuš niqum gubria mzarzia Tubh d mn atra naqia `tun ulatra naqia azlin
u`urbana bhaTāia ušTuata d tibil lanihuilun lzauadaun d napšaiun mn
dauraiun d napšaiun `tun `lauaiun d abuhun `hablun triS d mitar `tar mihsar
lahsar ulakal mn `šata `kilta d alma hazin ula`tarab mn `bidata d ptahil labad
balma uzuadia mn bnia anaša lakal hinila lzuadaun d napšaiun mn dauraiun `tun
`lauaihun d abuhun `hablun triS zipa ubišuta d tibil lahuat `lauahun u`niš
bnapšaihun lalgīTinun u`urbana btibil lahualun hinila šibiahia qaimia `lauaihun
uradpia niradpinun bhirba unura umia hinun zakr`zakin bzuadaihun ublbušaiun
ubanhura d abuhun `hablun ušibiahia haiabia halin pugdamia tiligTun utišrun
uzidqa tatnun ulibaikun bhaimanuta laupa nihuilkun lbit hiia bzarzuta
d gubria tlata tisqun umn laupaiun latitpasqun uamarlh hibil ladam d pagria ia
adam d pagria d qaimit mzarzatun lbnat anaša libnak ušurbatak d alma hazin lau
bSibiana hiia `tiqria unilagTun unišrun lamalalak kd d mn hiia lahualun alma
hazin `tiqria bšiTuata ušibiahia qaimin ušarin l`uSria d napšaihun umašTilun
lbnia anaša kd hazin anin nipuq mn alma hazin kd qarnaiun mgadlan uzakuatun
lqudamaian azlan unapquin minaian gubria kšiTia umhaimnia uap bhiria
zidqa gbilia bisra uzma d qalaian šuma lšuman ašar uzidqa `hab bhaimanuta
lruhSanan dilan triS uap hinun `tita lmisag mn qbal d anin dirka draknalun ukudka
traSnalun u`hura maknalun d dahalta unTiTata litbh nisqun nihzunia latra rba
d nhura uldaura taqna d anin ainan msakialh ukd šuman šibiahia uruha d qudša
d halin pugdamia amarlh hibil ladam ušurubh ruha d qudša d šimat simta bSaura
bzat u`udqa mn riša nisbat uamra hab `nisbh lalma hazin uamrilh šibiahia lalma
bnia šibiahia lalma bnia anaša bnpiš nitrabun unitraurbun bnia anaša

uhaizak d maTialh `lak nibad aminTul d anin marh Subiana anin kd haizin amariun
 hibil uahh siptaiun praT 'lauaiun mhašba ruha ušibiahia lmiqria mšiha kadaba
d našiTinin lkulhun almia ulpalugia alma lbnia anaša ltaumia taumia ulišania
 lišania lmpik šuta 'l pumaihun d bnia anašia kd halin pugdamia amiriun
 šibiahia manda d hiia hatam hua minaihun bkisia minaihun mn šibiahia lmirpas
 aina ata utriS `l libaihun d bnih uanhh lsamkia uata manda d hiia hap nisbh
 lziuaihun d šibiahia unisbh `l libaihun uminaihun d šata haita d lbišia
 ušbiqinun b'šata 'kilta lmimarbia umištmabia uTabuta lmihašibba uhazak
 'tnisbat minaihun haizak 'tiqria mšiha bra d ruha halin pugdamia d nimusa kd npal
 badam qrit uzarzit u`habilun lbhiria zidqa anatun bhiria zirqa kul piria u`bidata
d šauia ptahil ladam brh upiria u`mba u`lana uSipir gadpa uhiua bira ununia biama
 akil minaihun uzidqa hab mn qbal d nimusa badam npalbh adam `kilta lakil hin
 abatar d nimusa npalbh badam qam adam 'kilta akal hu ušurbath d minh hauian uap
 kulhun busmania upiria d arqa mapqia urihania ubusmania d rihaiun basim
 lnimusa d npal badam uamar ptahil d narha unibsum `lh lnimusa d rmibh badam
d lanikSilh balma hazin ulšurbata kulhin mn qbal piria u`mbia u`lania uSipar
 gadpia ununia bmia uhiua bira zakra unuqubta ušauilh ptahil unsib pira u`mba
 u`lana nsib zikra unuqubta umahtia uTuna Taiania uSipar gadpa ununia biama uhiua
 bira zakra lnuqubta sliq uTuna Tainia ubaTnia uiadalh iadlia Tubh lalma hazin
 lptahil `utra kursia d traSbh mdabrania hualh lalma hazin `l d bnia uabad
 biad ruha ušibiahia lašdh ulašibqia uruha ušibiahia lalma hazin laridpuia
 unTiTuta lahuatabh mn qbal d ptahil `utra larqa d nhura `titlh uruha ušibiahia haka
 mitpasqa balma hazin d hšuka uainaihun nhura lahazia hinun ukulhun qiriatun
 uqaiamin hiia bškinatun uhiia zakin lkulhun 'ubadia abuhun bzakaiia bzakuta zakin
 uzakia hibil ušitil uanš umšabin hiia sa .
 hazin hu raza usidra d ziua d iaqid bgu pihta hu sa